

# Powšitkowne WOZJEWJENJA

njedźelu, 3. decembra 2017

## Duchowna hudźba k přenjemu adwentej

W Budyskej cyrkwi Našeje lubeje knjenje zaklinča tutu njedźelu, 3. decembra, we 18.00 hodź. hudźbne chlósćenki. Sopranistka Magdalena Kircheis a tenor Christian Lutz zahajitaj hudźbny zazběh do adwentneho časa z twórbami Johanna Hermanna Scheina, Johanna Sebastiana Bacha, Huga Distlera a druhich. Magdalena Römhild a Friedemann Böhme hrajetaj tři sonaty za husle a pišćece tak mjenowaneho „Drježdžanskeho Mozarta“ Johanna Gottlieba Naumanna (1741-1801). Tute twórby buchu hakle lětsa w Drježdžanskim archiwje wuhrjebane a zaklinča wot dawneho časa přeni raz. Wšitcy su wutrobnje přeprašeni. Zastup je darmotny.

## Na Marije bjezhrěšneho podjeća w Róžeńće

W Róžeńčanskej swjatnicy budu pjatk, 8. decembra, na swjedženju Marije bjezhrěšneho podjeća, kemše w 9 hodź. Nyšpor budže w 17 hodź.

## Adwentny koncert w klóštrje – do toho wiki

K zakónčenju adwentnych wikow w klóštrje Marijinej hwězdze w Pančicach-Kukowje zaklinči w tamnišej cyrkwi sobotu, 9. decembra, w 17.30 hodź. adwentny koncert. Pod hesłom „Přihotujće Knjezej šćežki“ zahrajetaj Maria Šoćina z Pančic-Kukowa na pišćalce a Budyski cyrkwinski hudźbnik Feliks Brojer na pišćelach twórby Geoga Philippa Telemanna, Johanna Sebastiana Bacha, Antonija Vivaldija a druhich kaž tež znate adwentne kěrlušy a swójske kompozicije wobeju hudźbnikow. Zastup je darmotny. Na kóncu budže kolekta při durjach.

Adwentne wiki w klóštrje wotměja so pjatk a sobotu, 8. a 9. decembra, stajnje wot 10.30 do 18 hodź. Na nich změja mjez druhim někotrežkuli chlósćenki a wudžetki z rukow rjadnicow a z džěłarnje za zbrašenych ludźi.

## Adwentny koncert serbskich gymnaziastow

Chór 1. serbskeje kulturneje brigady z.t. přeprašuje wutrobnje na swój tradicionelny adwentny koncert sobotu, 16. hodownika, w 17.00 hodź. do Budyskeje Michałskeje cyrkwy. Přeni króc zaklinči adwentna kantata „Přińdź, Knježe!“ Feliksa Brojera. Nimo toho zanjesu znate adwentne spěwy. Wumělski nawod změje Friedemann Böhme, instrumentalny přewod Gina Hentsch. W zběrce při durjach proša wo dary za dalše džěło 1. serbskeje kulturneje brigady z.t.

## Koparski turněr wo pokal TCM

Towarstwo Cyrila a Metoda z.t. (TCM) zarjadowuje sobotu, 6. januara, w 15.30 hodź. w Chróšćanskej „Jednoće“ halowy koparski turněr wo pokal TCM. Přeprašene su wosadne a wjesne mustwa młodžiny kaž tež mustwa sportowych jednotkow. Kóždy mustwo měło z wosom hrajerjemi nastupić. Hrać budže so z třomi koparjemi a wrotarjom. Přizjewić měli so mustwa hač do soboty, 30. decembra, pola Guida Zahrodnika w Jaseńcy, telefonowe čisło (03 59 33) 3 11 53 abo mobilnje pod (01 51) 52 22 17 59 .

## **Wustajeńca žlobikow w Šěrachowje posledni raz**

Wjace hač sto Božich narodkow móža sej zajimcy sobotu a njedźelu, 9. a 10. decembra, wot 9 do 18 hodź. na žurli swjateje Hilžbjety w Šěrachowje wobhladać. Mjez nimi su mnohe rězbowane Bože narodki z Čech. Swójby ze Šěrachowa a blišeje wokoliny tutu wustajeńcu lětsa posledni króć natwarja a zjawnosći prezentuja.

## **Mandźelske seminary w lěće 2018**

Přizjewjenja za seminary k přihotej na mandželstwo přijimuju so pisomnje hač do 19. januara 2018 w dekanatnym dušepastyrstwe we Worklecach, Młynski puć 4. Formularj k tomu wuleža w cyrkwjach. Nańdžeće je tež pod [www.posol.de](http://www.posol.de)

## **Kulturna zyma w putniskej hospodže**

W Chróšćanskej putniskej hospodže zahaji so na předwječoru 1. adwenta lětuša Kulturna zyma. Sobotu, 2. decembra, wotewri tam farar na wuměnkku Gerhard Kanig z Drježdźan wustajeńcu ze swojimi wobrazami a skulpturami. Tydžeń pozdžišo sobotu, 9. decembra, přednošuje diakon dr. Jens Buliš z Chróšćic dwurěčnje k temje „Serbja a reformacija“. Wobě zarjadowani započnjetej so w 19.45 hodź.

## **Dny za singlow**

Singlow přeprašuje Smochčanski Dom biskopa Bena wot pjatka do njedźele, 15. do 17. decembra, na adwentne dny. W srjedžišću steji džeń w klóštrje Marijinej hwězdze. Tam chcedža na bytostne procesy žiwjenja zhladować, za kotrež trjebaš sčerpliwosć. Zajimcy měli so pak telefonisce pod čisłom (03 59 35) 2 23 17 abo z mailku na adresu [referent@Benno-Haus.de](mailto:referent@Benno-Haus.de) přizjewić

## **Adwentne dny seniorow**

Smochčanski Dom biskopa Bena přeprašuje seniorow a dalších zajimcow na adwentne dny pod hesłom „Durje wutroby“ wot póndzele do štwórtka, 4. do 7. decembra. Zajimcy měli so hač do póndzele, 27. nowembra, přizjewić, pak telefonisce pod čisłom (03 59 35) 2 23 16 abo z mailku na adresu [info@Benno-Haus.de](mailto:info@Benno-Haus.de).

## MŁODŹINSKE ZARJADOWANJA W LĚĆE 2018

3. – 4. februara	jězba serbskich młodostnych do Dachauwa a Mnichowa
17. februara	vesper w Chróścicach
24. februara	vesper we Wotrowje
2. – 4. měrca	kubłanske dny w Schmiedebergu
10. měrca	vesper w Radworju
17. měrca	nócne modlenje w Pančicach-Kukowje
25. měrca	křižowy puć w Ralbicach
5. apryla	Emmauske pućowanje
9. – 13. meje	zjězd katolikow w Münsteru
27. meje	putnikowanje młodžiny do Róžanta
22. – 27. julija	putnikowanje do Krupki
10. awgusta	dekanatne kemše w Njebjelčicach
2. septembra	młodžinski wulět
15. – 16. septembra	zjězd diecezanskeje młodžiny we Wechselburgu
26. oktobra	kermuška w Chróścicach
25. nowembra	nyšpor na swjedženju Chrysta Krala w Chróścicach
1. decembra	kreatiwny dzeń we Worklecach
9. decembra	adwentnička dekanatneje młodžiny w Baćonju